

REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
SEKTORI I MARRËDHËNIEVE ME BORDIN E AKREDITIMIT DHE
NDËRKOMBËTARIZIMIN

Nr. 422 Prot.

Tiranë, më 22. 11 .2023

LËNDA: Përcillet vendimi i Bordit të Akreditimit

UNIVERSITETIT TË SPORTEVE TË TIRANËS

Rr. Muhamet Gjollesha,

TIRANË

Bordi i Akreditimit, në mbledhjen e tij të radhës, të mbajtur më datë 20 Tetor, mori vendime që lidhen me vlerësimin e jashtëm në kuadër të akreditimit të disa programeve të studimit.

Lutemi, gjeni bashkëngjitur, vendimin e Bordit të Akreditimit Nr. 134, datë 20.10.2023.

Gjithashtu ju bëjmë me dije se vendimi është publikuar në faqen zyrtare të internetit të ASCAL.

DREJTOR I PËRGJITHSHËM

Xhiliola Bërbëru



Adresa: Rruga e Durrësit, Nr. 219, Tiranë; Tel: +355(0)2243423/2266203;
web: www.ascal.al; e-mail: info@ascal.al



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 134, datë 20.10.2023

PËR

**AKREDITIMIN E PARË TË PROGRAMIT TË STUDIMIT TË CIKLIT TË PARË
BACHELOR NË “SHKENCA TË REHABILITIMIT”, TË UNIVERSITETIT TË
SPORTEVE TË TIRANËS**

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funksonimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. nr. 824, datë 24.12.2021, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 20.10.2023, në kuadër të vendimmarrjes për akreditimin e parë të programit të studimit të ciklit të parë, Bachelor në “**Shkenca të Rehabilitimit**”, me të dhënat si më poshtë:

- a) Emërtimi i programit: Bachelor në “**Shkenca të Rehabilitimit**”
- b) Cikli i studimit: Cikli i parë
- c) Akti zyrtar i hapjes/licensimit: Urdhër i Ministrit të Arsimit, Sportit dhe Rinisë nr. 245, datë 22.07.2020
- d) Institucioni që e ofron: Universiteti i Sporteve të Tiranës
- e) Njësia bazë përgjegjëse: Departamenti i Shkencave Biomjekësore dhe Humane
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti i Sporteve të Tiranës
- j) Niveli i diplomës në kuadrin e Kornizës Shqiptare të Kualifikimeve: Niveli 6

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimeve të ciklit të parë “Bachelor”* dhe cilësinë e ofertës akademike të programit të studimit, është **“i përmbush kryesisht standardet”**, me mangësitë si më poshtë:
 1. Mungesa e këtij programi studimi në listën e diplomave që “Urdhëri i Infermierit” njih, për t’i lejuar studentëve të diplomuar të kenë mundësi të fitojnë licencën e profesionit të rregulluar të fizioterapistit.
 2. Mungesa e një plan veprimi mbi rezultatet e pyetësorit të vlerësimit të pedagogëve nga studentët, si dhe e një plani specifik edhe / ose udhëzuesi për përmirësimin e kompetencave didaktike të personelit akademik të angazhuar në këtë program studimi.
 3. Mungesa e mobilitetit të studentëve të këtij programi studimi në kuadër të programeve Evropiane të mobilitetit.

Mbështetur mbi rezultatet dhe arsyetimin e mësipërm, Bordi i Akreditimit,








VENDOSI:

1. Vlerësimin përfundimtar **POZITIV** për programin e studimit Bachelor në **“Shkenca të Rehabilitimit”**, të Universitetit të Sporteve të Tiranës.
2. **Akreditimin** e programit të studimit me kohëzgjatjen prej **4 (katër)** vite.
3. Afati përfundimtar i vlefshmërisë së akreditimit të programit të studimit është **19.10.2027**.

4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT


SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar

DRITAN NAÇE



Anëtar

INDRIT HOXHA



Anëtar

Shënim: Z. Maurice Oudejans dhe Znj. Lea Ypi, nuk morën pjesë në këtë mbledhje.

Shtojca

Rekomandimet në zbatim të vendimit të Bordit të Akreditimit Nr. 134, datë 20.10.2023, "Për akreditimin e parë të programit të studimit Bachelor në "Shkenca të Rehabilitimit", të **Universitetit të Sporteve të Tiranës**, janë si vijon:

1. Institucioni, të rrisë përpjekjet me qëllim që ky program studimi të bëhet pjesë e listës së diplomave që "Urdhëri i Infermierit" njeh, për licensim të të diplomuarve.
2. Institucioni, të hartojë një plan veprimi mbi rezultatet e pyetësorit të vlerësimit të pedagogëve nga studentët, si dhe një plan specifik edhe / ose udhëzues për përmirësimin e kompetencave didaktike të personelit akademik të angazhuar në këtë program studimi.
3. Institucioni, të bëjë përpjekje për rritjen e përfshirjes në projekte ndërkombëtare, për shkëmbim eksperience dhe zhvillim kapacitetesh në kuadër të bashkëpunimit me institucionet partnere ndërkombëtare, me qëllim që numri i studentëve apo anëtarëve të personelit akademik, të këtij programi studimi, pjesëmarrës në mobilitete, të rritet.
4. Institucioni, të shtojë numrin e marrveshjeve të bashkëpunimi me institucionet shëndetësore të kujdesit terciar dhe sekondar për të rritur cilësinë e zhvillimit të praktikave dhe përfitimet e studentëve të këtij programi studimi.
5. Institucioni, të rrisë përpjekjet për marketingun e këtij programi studimi, me qëllim plotësimin e kuotave të propozuara.

Në përmbushje të rekomandimeve të mësipërme, **Universiteti i Sporteve të Tiranës**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

